

Q V A E S T I O N E S
A D I V S T I T I A M
E T S A L V T E M C O N
S E Q V E N D A M
P E R T I N E N T E S .

Auctore Tullio Crispoldo,
Clerico Reatino .



R O M A E,
Apud Hæredes Antonij Bladij Impressores Camerales.
Anno Domini. M. D. LXXIII.

82



Q V A E S T I O N E S A D
iustitiam, & salutem consequen-
dam pertinentes .

Auctore Tullio Crispoldo
Clerico Reatino.

Operis Argumentum .

Considerata mea erga Deum & ea, quæ
Dei sunt, tepiditate, & quod nonnulli
eam etiam in se ipsis solent accusare, feci
infra positas quæstiones :

Nempe, an Iustitia Dei, qua formaliter iu-
sti efficimur, & bonus usus eius usque in
finem, id est ipsa perseverantia, sine qui-
bus iusti saluique esse non possumus, si-
cut sunt dona Dei, & per eius gratiam
impetrabilia, possint etiam quod non ma-
gna a nobis diligētia, & deuotio adhibea-
tur, impetrari .

Tum, posito quod in impetranda iustitia, &
perseuerantia non modo frequens, sed
etiam magna diligentia requiratur, an id

impetrabimus, si nos ipsos Christo dedamus totos, non modo quia id facere debemus, sed metu periculi recedendi, & spe efficacis auxilii Domini Iesu, quo faciat ne ab se vnquā amplius recedamus, aut saltem ne in finem recedamus.

In tertia parte repetitur aliquid de secunda parte, & additur quid bonitas Christi sponsura videri possit, si Christus ipse dedititium suum abeuntem, aut abire volentem, permittere velit abire.

Postremo queritur, an qui non dum sese totum Christo dat, sed dare cupit, petitque, ab ipsomet Christo fieri, ut ei sese totum det, quid ipsius Christi bonitas pro hoc sit allegatura, vel sperari possit esse allegaturam.



V M ex fide habeamus per ipsum Deū non stare, quin omnes homines salui fiant, atq; ideo ipsum vnicuiq; iustitiā, & perseuerantiam, sine quibus salui esse non possumus, dare, aut certe paratum esse dare: quæri potest, cur nō omnes salui fiant, non modo eorū qui hoc non credunt, sed etiam christianorum: an autem id sit, quia non omnes salui esse velint, an quia non omnes in id pro dignitate laborent. Et non videtur id esse, quia non omnes salui esse velint, restat non omnes pro tantæ rei dignitate laborare. Id autem quam ob rem fiat, incertū est: nam pro multo minoribus rebus solemus ardētissime laborare: forte non sic salutem credimus esse preciosam, vt diuitias, sciētias, voluptates, honores: At nos hic agimus de catholicis, qui ex fide sciunt hæc omnia saluti comparata pro nihilo esse: qui sciunt Dominum dixisse, Quid prodest homini si vniuersum mundum lucretur, animæ vero suæ detrimentum patiatur? Forte non sperant suis la-

boribus, & operibus in Deo faciendis, se tã facile salutem affecuturos, vt cetera, in quibus liceat interdum esse negligentibus, aut laborẽ, & persecutionem refugiũt: & quòd hominibus, quos inter viuunt, non placet ij, qui saluti operam dant non negliger.

Et quidem cogitare possumus Deo nos seruire debere omni conatu, & magnum esse vitium in hoc tepescere: p̃sertim cũ id & naturalis ratio, & lex domini, quę iustissime totum cor, totam animam, & vires nostras omnes exigat, & sanctorum exempla docent, quid in hoc sit agendum: tamen & sunt, qui facilem esse viam salutis, & minimo conatu ad salutem posse perueniri putant: neque tamen propterea illum minimũ conatum adhibent, aut sic adhibent, vt magis nolle, quam velle salutem videantur. Verum siue hoc, siue illud, siue quid aliud in causa sit, vt simus negligentes, tamẽ propter eos, qui labore deterrẽtur, & quadam desperatione perueniẽdi refugiunt, aut procrastinant; videtur mihi non absurde, neq; superflue queri posse, an modica diligentia satis sit ad iustitiam, & perseuerantiam impetrandam: quibus impetratis, quãtumuis
arcta

arcta sit via, & p̄ multas tribulationes oporteat nos intrare in regnum Dei, fient omnia, & perueniemus: nam Deus perducit eos, quibus iustitiam, & perseuerantiam exoratus concedit.

Et quoniam modica diligentia a modica fide soleat euenire, quæro an modica fides in hoc ad iustitiam imputetur?

Et videtur modicam fidem in hoc ad iustitiam non imputari, cū quilibet facile magna fide credere possit se a domino Deo saluum fieri posse. Sed hoc non obstante, clarum est etiam modicam fidem sufficere: modo enim sit fides, Deus eam nobis ad iustitiā imputat, vt qui dicit, Si habueritis fidē tamquam granum sinapis. Matt. 17. c. & lucæ. 17. d. apparet in Niniuitis Ionæ. 3. & in Naam Syro 4. reg. 4.

Tunc quæro an fides modica ad iustitiam imputata faciet, vt Deus etiam modicū orationis feruorem, & modicam diligentiam acceptet, atque exaudiat: nam in Niniuitis magna fuit diligentia. Hoc dico, quia modica fides modicas facit elicere actiones, vt qui prout credimus, ita & loquimur. Psal. 115. 2. Cor. 4. & similiter operamur, cum

fidei scilicet obedimus: sic enim ad Heb. 11.
sancti per fidem dicuntur iustitiam operati.

Et non videtur: nam per iustitiam Dei,
ad quam nobis fides imputatur, non iustifi-
cantur peccata: peccatum autem est in hoc
petendo non esse diligentem, quoniam ex
inconsideratione id euenit: inconsideratio
autem peccatum est, præsertim in re tanti
momenti, cum considerare diligentissime
debeamus, quanto in periculo sumus, ante
quam simus filii promissionis. Item potest
euenire ex modica voluntate salutis, quod
& ipsum graue peccatum est, cum eam desi-
derare toto corde, & animo debeamus, si
non propter nos, certe ob gloriam Dei, &
ob præceptum ipsius. Tamen etiam hoc nõ
obstante dicere possumus etiam modicum
orationis feruorem, & modicam diligentiam
sufficere, modo iustitiam ipsam vere velimus,
& ipsam perseuerantiam, quia ob id iustitiam
petimus, & ipsius augmentum, & confirma-
tionem, vt quod nondum sumus, efficiamur
feruidi, & diligentes. Nam si Deus in tanto
quod in carne nostra habitat malo, diligen-
tiam nostram expectat, timemus facilius nos
repudiaturos esse inuitantem ipsum, vt pa-
rabo-

rabolis vineæ, nuptiarum, & cœnæ a non nullis factum videmus, quam vt simus diligenter petituri: neque enim nos illis meliores audemus arbitrari, nisi prius hanc Dei iustitiam, & perseuerantiam quoquo modo petentes impetrauerimus.

Rursus non videtur in his petendis sufficere parvus feruor, & parua diligētia: quia priusquam fideles fuerimus in talentis acceptis, petimus præmium: simus fideles in primis talentis, & ita iustitiam ex gratia consequemur: exerceamus interim iustitiam ipsam, si quam adhuc habemus, & augmentū eius assequemur: & ipsius etiam confirmationem impetrabimus. tamen & hoc nō obstante, dicimus nos hæc nihilo minus petere, & debere petere, præuidentes periculū, in quo sumus: cum priusquam assequamur iustitiam Dei, & ipsius augmentum mereamur, aut confirmationem impetremus, mori valeamus: non enim defendentes negligentiam nostram, aut excusantes, vt ille, qui talentum abscondit, hæc petimus, sed fassi fragilitatem nostram, & possibilem humanam peruersitatem timentes, ad ipsum quales, quales sumus recurrimus, nihil iniquū aut
non

non decens petentes, sed id ipsum tantum,
quod in promissis suis ipse declarauit, aut
indicauit nobis esse necessariū, nempe cor
nouum, & spiritum nouū, & bonum vsum
gratiæ suæ: vique in finem a quo enim fer-
uorem, & diligentiam habere possumus, si
non ab ipso, qui præcipit, habeamus? qui
& solus dare potest, & nonnullis promittit,
& qui vocat, dicens, Eme a me aurum igni-
tum. Apo. 3. d. Accedimus, vt sumus pau-
peres, frigidique, vt ignitum aurum ex ipso
capiamus: sic & Ecclesia orat fidei, spei, &
charitatis augmentum, & deuotionem, &
alicubi etiam, vt Deus etiam rebelles ad se
voluntates conuertat: quod cū ipse Ezech.
20. e. f. aliquibus promiserit, nobis quoq;
spem facit, id vt petamus: præsertim qui
etiam dicat, Venite ad me omnes, qui labo-
ratis, & onerati estis, & ego reficiam vos.
Matt. 11. in fi.

Rursus non videtur sufficere paruus in
hoc feruor, & diligentia, eo saltem tempore,
quo nos Deus visitat, quo quidem tempore
magno sumus in feruore: id temporis
si nos hoc non feruide petimus, magna in
culpa sumus: dignique sumus, cū non fer-
uide

uide oramus non exaudiri: neque hoc obstat, nam cū in illo feruore sumus, hoc præcipue omnes oramus, si non verbis, certe re ipsa, & affectu: quid enim tunc aliud magis volumus, quam Dei nos esse totos, & ex toto? quare si hoc ad impetrandam iustitiam, & perseuerantiam aliquādo fecisse satis est, vix quisquam inuenitur, qui id aliquando non fecerit, cum tamen sufficere non videatur, quia cum feruor ille decedit, quodam modo petita retractamus: id quod Deus videtur attendere, quia non inconsulto feruore, sed libera id tunc agimus voluntate: itaque si consultum nobis vult, vt speramus, necesse est, vt modicos nostros conatus nō contemnat, sed probet, vt fiant auctiores.

Rursus, paruus in hoc feruor, & diligentia non videtur sufficere: nam si vel vnus ex non electis saluaretur, totus diuinus ordo turbaretur: quare promissiones de salute quorundam, quasi coacta. Ezech. 20. lucæ 14. non decet ad alios sine magna causa prorogare: sed hoc in casu nostro non obstat, in quo præsupponimus Deū velle omnes homines saluos fieri, atque ideo nemini clausisse aditum regni cælorum, nemini impossibilem

sibilem salutem fecisse: nam etiam quod nō electis Deus non decreuerit dare donū per seuerantiæ, non propterea tamen decreuit eis illud nō dare: quare non frigide eam petentes impetrabunt, quia regnum cælorum vim patitur: neque tamen omnem possibilem vim, & maximam expectat, cum exorabilis sit Dominus, & nouit figmentum nostrum, & quam facile, aut procrastinemus, aut a labore ad requiem recurramus.

Rursus nō videtur paruus in hoc feruor sufficere: nam cum Dominus sæpe dicat, Multi sunt vocati, pauci vero electi, quid aliud dicit, quam ne quis speret priuilegia, cum ea electorum tantum sint? sibi autem non esse decretum aliud non electis dare, quam quod vocatis, & non electis datur? Satagat bonis operibus quisq; certam facere suam vocationem, & rem non cupiat alienam: dedecet enim Deum rumpere ordinē suum sine magna causa. Itaque Matt. 20. dixit, Tolle, quod tuum est, & non est meum dare vobis: quod si in Cananæa non seruauit, ideo fecit, quia magna illius fide quodammodo victus, ac vim passus non potuit seruare regulam. Matt. 15. qua tenebatur
gentes

gentes non respicere : casus autē noster est,
vbi paruus est feruor .

Sed neque hoc obstat, nam aliud est petere locum electorum, aliud est petere auxilium efficax ad faciendam certam nostram vocationem. Dices, & hoc est electorum, eis enim datur non modo gratia, & bene uti posse gratia, sed etiā bonus vsus gratiæ vsq; in finem. Respondeo, electis id etiam non petentibus datur, aut etiam, si petitio necessaria est, datur eis & ipsa petitio, fitque vt petant: non electis autem datur petentibus & credentibus id sibi posse dari: neq; enim qui dixit, Petite, & dabitur vobis, ab hac seu promissione, seu enunciatione exclusit aliquos, aut exclusit petitionē iustitiæ, & perseverantiæ, & gratiæ, & boni vsus gratiæ vsque in finem: neque quod non decreuerit non electis aliud dare, quam quod decretū sit nō electis dari, propterea decreuit aliud eis non dare, & se sua libertate, & liberalitate priuauit.

Sed & etiam quero, an qui traditi sunt in reprobum sensum, quorū oratio est execrabilis, & vertitur in peccatum, possint iustitiam, & perseverantiam impetrare. Et dubiū
est

est eos, quoad in eosunt, impetrare, aut
quos Deus dicat, se non exauditurū. Prou.
pri. eo quod culpa eorum factum sit, vt tra
diti sint in reprobum sensum, noluerunt be
nedictionem, elongata est ab eis. Psal. 108.
Sed quamuis meriti sint, ne exaudiantur,
tamen quia sceleribus suis facere nō potue
runt, neque possunt, quin Deus, si velit, eo
rum misereatur, impetrare & ipsi iustitiam,
& perseuerantiam poterunt: & impetrabūt
si non dum tam reprobi facti sunt, vt amise
rint fidem, quam in hoc petendo exerceāt.
Nam & si Deus aliquādiu sit eos irrisurus,
non tamen cogitur eos in perpetuū irride
re: sicut patres possunt filios, qui causas in
gratitudinis commiserunt, exhæreditare,
non coguntur tamen eos exhæreditare. An
nitendum quidem est omnibus, vt iustitiā
& perseuerantiam obtineamus: neque pro
crastinandum, vt si quidem non sumus fer
uentes, simus saltem frequentes: nulloque
tempore absque hac prece simus, cum nisi
illis impetratis salui esse non possimus. Sed
vt hoc faciamus, & diligenter faciamus, præ
latorum, & prædicatorum diligentiae relin
quitur: quamquam tam facti sumus in hac
re

re tardi, ne dicam amentes, vt neque vlla eloquentia, aut auctoritas fatis fit ad nos excitandos: quare vota facienda sunt, vt Deus ipse opportune, & importune nobiscum agat, neque nos sinat torpere tam diu: nam quantum ad nos attrinēt, eo quod arcta sit via, quæ ducit ad vitam, & pauci inueniunt eam, & quod per multas tribulationes oporteat nos intrare in regnum Dei, neq; aliunde, quam per Christum, & iustitiam, quæ ex fide ipsi⁹ est, sit nobis ingressus ad Deū, sit ut pauci spem veram concipiāt, qua pro rei dignitate, vtilitate, & necessitate laborent: sed uel arctam viam horrentes, vel impossibilem sibi ipsam putantes, cum didicerint male viuere, desperant, & sese immunditiæ tradunt. Eph. 4. e. alii vero ne desprecarent, ita confidunt, vt minus sperent, id est vt spem non a Domino, sed a se sibi ipsis fabricatam concipiant, nempe omnem iustitiam, atque ipsam salutem in sola fide constituentes, qua fide putant fieri, ut sibi non imputentur peccata, & se pro iustis apud Deum haberi, etiam cum maxime sunt iniusti. Alii uero, qui vt cunque norunt, quod si ne bonis operibus ad salutem peruenire
non

non possunt, certis suis operibus, & iustificationibus contenti, & ipsi latam viam ingrediuntur, non quidem viam aperte iniquorum, sed non secundum Deum iustorum, humana scilicet quadam iustitia, quam sibi ipsis, & aliis quibusdā hominibus placeant, sibi spem faciunt. Alii vero operibus quidem arctam viam ingrediūtur, non eam tamen, quam Christus ostendit, sed quam sibi ipsi finxerunt, aut quam a falsis prophetis non attendentes decepti susceperunt: nam sæpe in mundum pro verace aliquo uno propheta sexcenti falsi veniunt, ut frustra multis propheta bonus missus uideri possit: prophetæ enim veraci, quia non loquitur nobis placentia, plerunque aut resistimus, aut prorsus fidem nullam habemus: falsi vero, & quia multi sunt, & quia, quæ nobis placent, loquuntur, facile credimus: neque secundum Christi mandatum attendimus, ut ex operibus eorum cognoscamus eos: quare pauci omnino sunt, qui rectam spem habeant suæ salutis: id autem apparet ex eo, quod pauci se ipsos sanctificant, cum qui rectam spem habent, sanctificent semetipsos 1. Io. 3. Itaque spe sua multi
con-

cōfunduntur, spes enim impiorū perit. Pro.
10. quia Dominus eorum venit hora, qua
non sperant, id est contra eorum spem, qua
hora sperant ipsum non venturum, qua au-
diunt, Non noui vos: discedite a me opera-
rij iniquitatis.

Haecenus hac parte his, si qui forte sunt,
quibus persuasum sit modicam diligētiam,
modicūque feruorem, si frequenter adhi-
beantur, ad impetrandum iustitiam Dei, &
perseuerantiam satis esse, dictum sit, vt si nō
feruentes, saltem frequentes in his petendis
esse velint, & sint. His autem, quibus hoc
non est persuasum, sed & pro salute propria,
quæ gloria Dei est, cupiunt non modo non
frustra, sed & cum laude laborare, quid sit
agendum, dicemus in secunda parte.



Iximus in prima parte ad impetrandam iustitiam Dei, & perseverantiam, etiam modicam diligentiam, modicumque feruorem sufficere, modo frequenter adhibeatur. Veruntamen si hoc nobis non persuasimus, sed necessariam esse diligentiam magnam, feruoremque non exiguum, neque tamen nobis id adesse, neque nostris conatibus nos assequi, ut in hoc bene simus diligentes, & feruidi; videamus iam nunc quid agere possimus ac debeamus, ut ad congruam diligentiam, ac deuotionis feruorem perueniamus, quibus iustitiam & perseverantiam priusquam morte praeueniamur, impetrare valeamus, ac impetremus: &, ut mihi quidem videtur, querendus est nobis doctor, qui rectam viam norit, eamque nos doceat, ac per eam nos ducat, atque perducatur: neque nos permittat asperitate viae deterreri, aut longitudine defatigari, sed lumen, & vires, & bonum animum nobis faciat: neque item restitantes, aut retrocedentes deferat, sed neque pusillanimitate, neque infirmitate, neque peruersi-

peruerſitate noſtra deſatigetur, aut indigne
tur, quin reuocet nos, & in viam bonam re-
ducatur, atq; perducatur. Nam alioqui, præter
quam quod interdum nonnulli ſunt pseudo
doctores, qui vel viam ignorant, vel ſtudio
in malam impellunt, etiam boni, qui rectam
viam norunt, & nos eam libenter docent,
noſq; per eam ita deducunt, vt, niſi per nos
ſtet, etiam & perducant, nihil, aut parum
agunt, nam nimis facile per nos ſtat, quare
& paucorum eſt perfeuerantia: vt quæren-
dus nobis doctor ſit, qui poſſit facere, ac fa-
ciat, ne per nos ſtet, quo minus nos dedu-
cat atq; perducatur. Hunc ubi inuenerimus,
demus illi nos ipſos totos, & ex toto, & quid
quod poſſumus agamus, vt ei in nobis ple-
num ſit ius atq; arbitrium, nobisq; amplius
nullum ſit reſiliendi ius, quod quidem non
difficile ſit. Sed illud in periculo eſt, quod
quamuis ius nobis non reliquerimus reſi-
liendi, de facto tamen poſſumus reſilire:
quod quidem facillime facimus a carne, a
mundo, Satanaq; urgente ſeducti, aut alle-
cti. quare inueniendus nobis doctor eſt,
cuius manu, ne de facto quidem, poſſimus
euadere: & præterea etiam quod ita potens

fit: quia tamen potest nos obstinatos cōtem
nere, ac sinere nos abire, ne ipse nostri in-
digere videatur, inueniendus est, qui mitis
sit, & humilis corde, qui nec obstinatos qui-
dem nos dedignetur, sed ad se, & ad suum
honorem salutem nostram velit pertinere:
ita vt non sinat nos de iure, aut de facto fa-
uōri nostro renunciare, neq; sinat nos pos-
se amplius facere, quin ipse nostri, quos se-
mel receperit perducendos vsque in finem,
miseretur, ac in regnum perducatur.

Talem doctorem, ac vię ductorem quæ-
rere videntur, & quærunt illi præcipue, qui
religiosos conuentus ingrediuntur, proprie-
que renunciant voluntati, ac potestati, om-
nemque sui potestatem faciunt prælato, vt
se vel inuitos in viam ducat, & retineat, at-
que per eum tandem a peruersa libertate re-
cedant, & in bonam veniant, & in ea perse-
uerent: norunt enim suam instabilitatem, &
carnis peruersitatem, quæ ab arcta via mul-
tum abhorret. Veruntamen quia prælatus
ille homo est, qui etiam quod de iure, & de
facto subditos etiam in carcere habeat, ta-
men nō potest cordibus eorum dominarij,
quin, quod externe rectam viam tenere vi-
deantur,

deantur, in corde tamen ab ea absint quam longissime: ita vt nō nulli desperātes ad viā latam reuerti posse, se ipsos interimant, ne scilicet arctę viæ labore, quam odisse cœperunt, afflictentur: peruenturi erant ad salutē sub ducatu prælati, si per eos nō stetisset. & de principio quidem fecerunt quantum in ipsis fuit, ne per eos staret, nam volūtātē suam & libertatem prælato, tamquam Dei vicario ac ministro donauerunt: sed tamen, quia prælatus, cum homo tantum esset, facere non potuit, aut non sciuit, aut non voluit, quin per eos staret, forsan periere.

Equidē vnic⁹ magister est Christus. Mat. 23. huic sese dant, qui religioso prælato, huius vicario dāt: & nonnulli metu ac spe, qua supra dicebamus, sese dāt: ipse vero cū non tantum homo sit, sed & Deus, hoc præstare potest, sed an si nos ei vel per ingressum religionis, vel aliter nos ipsos dederimus, sit pręstatur⁹, incertū est: nā quāuis ipse petat, vt nos totos sibi cōmittamus, tamen p̄fiteri videtur nō pręstaturū, quin si volumus recedamus. ait. n. si vis ad vitā ingredi, serua mādā & dans mādātū de p̄seuerātia Luc. 21. in fi. iubet, vt id die ac nocte orem⁹: indicās

se non facturū, vt perseueremus, sed nostri
esse longi laboris, vt id a patre impetremus,
de quo quis sibi ipsi aliquid certi pmittat,
cum nesciamus, quam hodie precem faci-
mus, an cras eam simus facturī. itaq; etiam
in hac re ipsum met orare profuerit, faciat,
vt etiam precem hanc vsq; in finem fideliter
faciamus: sed an sit nos exauditurus, incer-
tum est, nam ipse per prophetas, & aposto-
los suos ait. Abac. 2. in fi. ad Heb. 10. Ezec.
33. Iustus meus ex fide sua viuit, quod si se
subtraxerit, non placebit animæ meæ, &
omnium iustitiarū eius obliuiscar: & si per-
manserimus in fide, & si compatimur, & cō-
regnabimus, si negauerimus, & ille negabit
nos. 2. Timo. 2. 6. & quamuis dicat, Dabo
vobis cor nouum, & spiritum nouum, & fa-
ciā, vt in præceptis meis ambuletis. Ezech.
36. e. & scribam legem meam in cordibus
eorum. Ierem. 31. & timorem meum dabo
in corde eorum, ne recedant a me. Iere. 32.
g. & ita quamuis multa vt Deus faciat, ne
per nos stet, tamen quia non omnes obediūt
euangelio, non omnes acceptant cor nouū,
& spiritum nouum, neq; omnes, qui acce-
ptant, retinent, neq; quod timore Domini
prohi-

prohibeātur discedere a Domino; fit, vt nō
aliqui reiecto dei timore, ad prauitates suas
reuertantur, & discedant a Domino: quia
Dominus quidē dat multa, & facit multa,
vt in pręceptis suis ambulem⁹, nosq; trahit.
Veruntamen quia arbitrium nobis non au-
fert, relinquitur nobis potestas recedendi,
etiam quod nostram potestatem nos totam
in baptismo Deo dederimus, conscij nostrę
infirmittatis, & inconstantię. Nam cum ba-
ptizari volumus, interrogati quid ab eccle-
sia petamus, respondemus, fidem, id est dari
nobis ab ecclesia Dei fidem in nomine Dei,
qui scilicet Deus promittat sese nostrū fore
patrē, & rectorem. Interrogati autem quid
pręstet fides; respōdemus, vitam æternam,
idest ad hoc petimus nobis dari fidē, vt scili-
cet Deus promittat se rectorem nostrū fore
in vitā æternam, idest nō tātum ad tempus,
sed ad vitam æternam: & cum sacerdos di-
cit, Hęc est vita æterna, diliges Dominum
Deum tuum &c. hoc est quod volumus,
nam ad hoc baptizari volumus, vt hanc dei
dilectionem recipiamus.

Et tamen non omnes, qui baptizantur,
salui sūt, neque qui semel gratiam habuit,

omnis saluatur, quod esset, si Dominus promitteret, vt dicebamus: non enim est iustitia in vlllo, qui non sese totum Deo committat, ac donet. Vnde signum est ipsum Dominum Iesum non suscipere nos regendos, nisi sub conditione diligētiae nostræ, idque etiam expressa declarat tota lege. Itaque 2. Timo. 2. B. dicit, Si sustinebimus, & conregnabimus, si negauerimus, & ille negabit nos. & Christus ipse dicens. Luc. 9. c. Si quis vult post me venire, abneget semetipsum, & tollat crucem suam quotidie, & sequatur me: nempe, quia vt ipse idem dicit Luc. 14. e. alioqui nō potest meus esse discipulus, & Matt. 10. d. non est me dignus. & non dicit, ego faciā, vt abneget semetipsum, & tollat crucem suam. & quamuis Matt. 11. in fi. dicat, venite ad me omnes, & ego reficiā vos, quod est quidem vires, & refectionē dare, qua possimus abnegare nosmetipsos, & crucem ipsius tollere, & ipsum sequi, nō dixit, & ego sic vos reficiam, vt etiā faciā, vt abnegetis vos ipsos &c. sed ait, Tollite iugū meū super vos, & discite &c. in eo autem, quod subdit. Iugū meū suaue est &c. indicat quidē a sumpta refectione sua facile nobis fo-

re tollere iugum suum super nos, quod est
nos ipsos abnegare, & tollere crucem, & ip-
sum sequi, sed nō propterea dicit se facturū
vt tollamus iugum suū super nos, & sequa-
mur se. Quare ex ipso quidem sperare pos-
sumus gratiam, & auxilia, quibus possimus
perpetuo ipsum & facile sequi, sed effica-
ciam non promittit, vt gratiam quidem ab
ipso speremus, bonum autē vsum gratiæ a
nobis non tamen absque ipsius auxilio, spe-
randum nobis arbitremur & ita si per nos
non stet salui omnino futuri simus, per nos
autem facile stare potest, quando ipse non
promittit facturū se efficaciter, ne per nos
stet, neq; quod nos maiore id est efficaci cu-
ra indigeamus, ipse promittit sese efficacem
curā adhibiturum, quia scilicet vult nos ef-
se liberos, & posse renūciare fauori nostro.

Itaq; & Luc. 19. flet super ciuitatem, nem-
pe quia illi maius auxiliū non ferat, quam
quod sit decretum a patre suo. itaq; exigens
a nobis Dominus, vt nos ipsos abnegemus,
sibi que nos dedamus, ne velle putetur, aut
velit nobis non superesse de facto potestati
amplius retrocedēdi, propterea q; videatur
promittere sese facturū, ne recedamus a se,
aut

aut quod recedētes, sit ipse rursus ad se nos
reducturus, ita vt non sinat nos in contuma
cia, & peccato decedere, aperte gehennam
minatur his qui de facto recesserint. idque
iure optimo, nam siue nos ipsos ei demus,
siue non demus, velimus, nolimus, sui su
mus, quare si nos ipsos sibi damus, non te
netur aliquid propterea promittere aut da
re: sed pro sua & libertate & liberalitate er
ga nos facit, quod facit, quare & iustitiæ &
misericordiæ suæ satis est si recedentes, quia
primam fidem irritam fecerimus, in eternū
nos puniat, aut mitius agens rursus nos ad
pēnitentiam vocet, & aliquandiu nos ex
pectet, aut etiam flagellis prouocet ad re
deundum, obstinatos autem ad extremum
relinquat, & p merito nostro malo nos dam
net: sic enim ipse ait, Qui se subtraxerit,
non placebit animæ meæ. Abac. & ad Heb.
10. g. Non enim vult, vt nos sibi totos com
mittamus, atque credamus, quia ipse no
stri indigeat, sed id vult, quia nos ipsius
ductu, & gubernatione indigemus: quare
nō iniuria sit permissurus, vt nos fauori no
stro renunciare valeamus, præsertim cum
nemini dubium esse debeat Deum liberum
semper

semper esse, vt cui⁹ velit misereatur, & quē
velit induret. Ro. 9. Neq; obstat, quod ipse
iam declarauerit, quorum velit misereri,
nempe filiorum noui testamenti, promit-
tens se facturum, & curaturum, vt legem
suam seruemus. Iere. 31. 32. Ezech. 36. e.
nam id promissum est populo, & non vni-
cuique de populo, nisi paucis quibusdam
electis. Itaq; populum noui testamenti, abs-
que dubio Deus saluum faciet neque pecca-
ta, & rebelliones singulorum faciunt, quin
Deus saluet populum suum, cum eorum
nonnullos magna vi retineat. Ezech. 20. e. &
reliquias sibi seruet. ad Ro. 9. ex quibus pro-
pagentur illi, quos in locum deficientium
substituatur, quosdam etiam & vocet, & com-
pellat intrare. Luc. 14. Quam ob rem vnici
que dicitur. Apoc. 3. c. Tene quod habes,
vt nemo accipiat coronā tuam: & quia ex la-
pidibus Deus potest excitare filios Abrahę.

Neq; item, quod ad Gala. 3. dicitur, Per
fidem accipimus pollicitationem spiritus,
obstat, nam incertū est an id dicat Apostol⁹
de ingressu in populū Dei, quia scilicet cre-
dētibus detur potestas filios Dei fieri. Ioan.
1. an loquatur de acceptione pollicitationis
spiritus,

spiritus, quæ dicatur facta unicuique credenti,
ut fide assequamur promissiones pro se quis
que tamquam singulo cuique de populo fa-
cte sint. nam in primo casu, quamuis magnū
bonum sit esse in eo populo in quo est spe-
cialis protectio a Domino, non tamē certū
est an facturū sit Deus, ut usque in finem hic
& ille nostrū in bono perseveret. In secun-
do casu, qui certus esset de se ipso habuisse
se fidem a Domino, de promissionibus sibi
esse illas specialiter faciendas, & per eam ip-
sam fidem eas tamquam sibi utiles ac neces-
sarias voluisse se, & acceptauisse, certus esset
se esse vnum ex electis, aut tamquam vnum
ex electis tractandum esse: sed quoniam in-
certū est, quid ibi Apostolus senserit, incer-
ti sumus, quid per acceptionem pollicitatio-
nis spiritus assequamur præsertim: cū Apo-
stolus videatur sentire tantū de primo, nem-
pe fieri vnum de populo, & non vnum de
singulariter electis, cum ad Heb. 6. talibus
dixerit, Cupimus vnumquemque vestrū ean-
dem ostendere sollicitudinem ad expletio-
nem spei usque in finem, ut non segnes effici-
mini, verum imitatores eorum, qui fide &
patientia hæreditabunt promissiones. & ad
Heb.

Heb. 10. in fi. Vobis patientia necessaria est, ut facientes voluntatem Dei reportetis promissionem: & id præsertim, cum vix quisquã in spem electorum accipiat per fidem sollicitationem spiritus, paucique in eam spem sese Christo credant: quia nemo, aut omnino pauci sunt, qui si sese Christo credãt, putent fore, ut non umquam relinquuntur: sed plerique omnes credunt, si umquam a bonã cõscientia, aut fide recesserint, fore ut relinquuntur, & non nisi cum paucissimis aliter fiat, idq; cū illis fieri non fide illorum, sed libertate Domini, qui quorũ vult miseretur.

Præterea, & qui credunt, verum esse eos, qui sese semel Christo in totũ credũt, numquam esse a Christo, etiã quod millies defecerint, relinquendos, nõ omnes tamen volent sese Christo in totũ credere, sed cõmunem viã volẽt ingredi: aut etiã quod velint semetipsos totos credere, tamen procrastinant, veriti ne duriuscule a Dño gubernentur, qui castigat omnẽ filium, quem recipit. Heb. 12. & assiduat illi flagella. Eccle. 30. nẽpe quod ad gloriã ipsius Dñi pertinere putãt nõ peccare eos, quos ipse in suã fidẽ curãdos receperit, atq; ideo nõ sit eos umquã permissu-

permissurus valde libere agere, nisi forte cū flagello his opus esse videt ad superbiā inclinatis : tunc enim forte liberius eos agere finit, vt cadentes humilientur, & flagella nō recusent, sed libenter ferant . itaq; id metuentes procrastinant homines, sicut qui discere difficilem aliquam, atq; egregiam artem volunt a perfectissimo præceptore, qui nolit docere nisi eos, quos in carcere prius receperit, neq; ante perfectionem, aut detentam impossibilitatem sit permissurus discere . Nam quamuis multi eam artem, seu scientiam optent, pauci tamen sunt, qui nō procrastinent, & nō multas nectant moras, antequam ad præceptorem illum accedant, præsertim si certī sunt, aut credūt præceptorem illum omni tempore ipsos esse suscepturum, tantumque expectare ipsorum consensum, atque accessum .

Nunc quæro, qui periculum metuit, & prudenter putat sese eo insanix peruenire posse, vt quādoq; velit a Christo recedere, aut ita tepescere, vt negligat, & talentum abscondat, aut amittat, atque iccirco sese Christo velit credere, & credat, ne Christus ipsum vmquam sinat insanire, aut tepescere, sed

re, sed vel semper in officio retineat, vel insanientem, & obstinate recedentem, aut tepescentem corripiat, & in viam reducat. an ipsum deceptū iri spe sua verisimile sit; finge eū vocanti Domino dicere. Ego me quidem tibi Domine totum credo, & committo, idq; facio, quia id tu petis, & quia id debeo, qui tuus sum, neque me, neq; aliud tibi, aut voluntati tuæ præferre debeo.

Item, & quia id mea maxime refert ad gloriam tuam: nempe quia me ipsum regere neque scio, neque possum, neque quod per grātiā & auxilia tua id sciā & possim: propterea fit, vt id, quod norim, & possim opere etiam semper adimpleam: cum plerūque fieri possit, vt quod hodie volo, cras nolim: quare me tibi etiam ob id ipsum cōmitto, vt facias me semper bonum velle, ac facere: neque enim meliorem me semper futurum credere debeo, aut possum illis, qui fructum vineæ negauerunt, qui ad cœnam, aut nuptias venire contempserunt, nisi tu me facias efficaciter multo meliorem. Nam sæpe tu mihi das voluntatem bonam, sed quia simul voluntatem carnis meæ non in totum reprimis, fit vt voluntati carnis meæ, magis

magis quam voluntati bonę tuę, quam gratiose in me facis, obediā: quod ne amplius umquam eueniat, mihi opus est, des velle, & perficere pro bona volūtate tua erga me, quam a voluntate mea, aut carnis meę vinci numquam permittas: quare conscius infirmitatis, inconstantie, & possibilis peruerſitatis humanę, a quibus me abesse, aut perpetuo abfuturum esse, affirmare nō posſim, spe dilectionis, & diligentie tuę ad te, & vt puto à te vocatus venerim, tibi que me ipsum, vt cunque tamen, dederim.

De hoc ipſo homine quæro, qui se totū Christo dedit sub illis verbis, & cogitatione periculi, de quibus dicebamus, an Christus ita eum recipiat, vt non sit permissurus illū recedere, aut perire. Hoc autem quæro, quia si probari poterit Christum ita illum recipere, nos non modo ex debito, sed etiam hac ipsa bona, certa que spe salutis non amplius procrastinabimus, sed horis omnibus annitemur id agere, vt aliquando tandem ex veritate nos ei totos, & ex toto dedamus sub ea cogitatione periculi, de quo dixim⁹: quod interdum non est difficile, sed sæpe etiam fit, nempe cum præuēti aliquo feruore

uore deuotionis sumus, quāquam incertū
est an tunc acceptemur, an Deus expectet,
quod postquam feruor ille decesserit, cogi-
temus, & propositum ratificemus: nam &
cum nos totos resignasse, & Deo nos com-
misisse putamus, postquā calor ille decessit,
aut refrixit, statim, si quid agendum est, ex-
cusamus, & aliud quiddam nobis mandari
cupimus, aut nostrę nos voluntati permit-
ti. Quare annitendum est, vt non modo in-
consulto calore, sed certo iudicio, nos ipsos
Deo totos credamus: idque orandus ipse
Deus à nobis est, faciat, vt nos perfecte, &
ex animo sibi dedamus.

Hoc vbi fecerimus idest cum nos ei totos
tum ex debito, tum spe vitandi periculi de-
derimus, puto nos suscipi, & pro electis ha-
beri, etiam quod alioqui ex electis non si-
mus. Moueor, quia promissiones Dei tēpo-
re Christi, & per Christum erant exhiben-
dæ, nam ipse est, qui gratiam facit & verita-
tem. Ioan. pri. Lex per Mosē data est, gra-
tia, & veritas per Iesum Christum. Gratia
autem est illa, quę in ipsis promissionibus
continetur, quę sunt, faciam, vt faciatis.
Idem Dominus ipse testatur dicens Ioan.

3. Sic Deus dilexit mundum, vt vnigenitum suum daret, vt omnis, qui credit in eum, non pereat, sed habeat vitam æternam.

Dices. Vere Deus ad hoc vnigenitū suū dedit, sed hoc verificatur in eo, qui hoc vnigenito vti velit, & quatenus vti velit, non autem in eo, qui ab hoc vnigenito recesserit: nam subdit ibi Dominus: Non enim misit Deus filium suum in mundum, vt iudicet mundum, sed vt saluetur mundus per ipsum ex quo colligitur: opus esse, vt quisque sua diligentia vtatur, vt saluus fiat. Respondēdo id quidem verum, sed ipse Dominus facit, vt qui credit eo modo quo diximus, sit etiam diligēs: nam hoc est promissio. Ezech. 36. e Faciam, vt faciatis. Itaque & ibi addit Dominus, Qui credit in eum, nō iudicatur. hoc autem fit, quia ita credenti datur, vt faciat, quæ necessaria sunt ad declinandam damnationem, & addit.

Qui autem non credit, iam iudicatus est, scilicet tū ex peccato originali, tum ex actibus, quia non credit in nomine vnigeniti filij Dei, in quo solo est salus. Act. 4. vt qui sit agnus, qui tollit peccata mundi, & qui factus

factus est nobis iustitia ab ipso Deo. Pri.
Cor. 1. in fi. Atque vt hoc sciamus esse ve-
rum, nempe, quod ob incredulitatem pe-
reat mundus, addit, Hoc autem est iudi-
cium mundi, quia venit lux in mundum,
& dilexerunt homines magis tenebras quā
lucem, erant enim mala eorum opera: om-
nis enim qui male agit, odit lucem, & non
venit ad lucem, vt non arguantur opera
eius. Ergo iudicium mundi in hoc est, non
quod homines non viderint lucem, sed
quod noluerint venire ad lucem, & ei sese
credere, lux autem vera est ipse filius Dei.
Ioannis primo. Ergo si homines ad hanc
lucem venissent, eique sese credidissent,
ipse, qui lux est, fecisset eos facere, quæ
sunt necessaria ad salutem, & ita non iudica-
rentur, quando quidem datus est, vt om-
nis, qui credit in eum, non pereat: non,
ergo sufficit venire ad hanc lucem, & cre-
dere eam esse lucem, si qui ad eam venit,
non etiam credit ei semetipsum: credere
autem in eum est abnegare semetipsum, &
ei sese tradere tum ex debito, tum in spem
promissionum.

Dicēs. Si hoc est verum, sequitur, nemi-

C 2 nem,

nem, qui vñquam iustificatus sit, periisse, nemo enim iustificatur, qui sese totū Christo non crediderit, & se ipsum non abnegauerit. constat autem multos iustificatos fuisse, & postea recessisse, ac periisse. ad Heb. 6. pri. Cor. 10. Respondeo. Ad iustitiam Dei recipiendam sufficit dedisse se Christo ad omnem obedientiam, imò & quia debemus nos ipsos ei credere & dare, etiā quod nihil ex ipso speraremus, cum Deus ipse sit Deus noster, & nos creaturæ ipsius. Non omnes, qui credunt in Christum, ei sese dant in spem talium promissionum: nam & sunt, qui putant non aliud promitti, quam auxilia, per quæ possint ad salutem peruenire: quibus factum est secundum suam ipsorum fidem, & non eis datum est plus, quā quod crediderint se habituros. Atque ita cum missus sit, vt qui credit in eum, non pereat, ipse secundum cuiusque fidem facit sic solebat dicere, Secundum fidem vestram fiat vobis. Præterea etiam ex his, qui promissiones efficaces crediderunt, nonnulli, quia non necessarias, sed tantummodo utiles crediderunt, non acceptarunt, vt Petrus dicenti Domino, Rogavi pro te, respondit, tecum

tecum paratus sum & in carcerem, & in mortem ire: ac si diceret, non opus est, ut pro me roges, ego iam in fide immobilis sum: ita multi sunt, qui in virtute sua ipsorum confidunt: in ipso autem Deo tantum fidant, quia norunt ipsum non ablaturum ab ipsis cognitionem & gratiam, nisi ipsi sua ipsorum spōte relinquunt, seq; vinci sinant: & præterea in eis, qui promissiones illas necessarias credunt, sunt etiam nonnulli, qui in acceptando procrastinantes perierunt.

Dices, & multi credunt se fide in Christū absque dubio fore saluos, & tamen hæretici sunt, ac pereunt, quamuis Christus, quia in ipsum credunt, curare debere videatur, ut ab hæresi, & ab omni peccato discederent, quandoquidem ipse datus est, ut omnis, qui credit in eum, non pereat. Respondeo. Hæretici, quo ad hæretici sunt, fidem non habent, neq; prodest eis acceptare promissiones per falsam illam ipsorum fidem, cum eis nihil boni promissum sit, sed denunciatae pœnæ, & supplicia æterna: quare cum non ab ipso Deo: sed a se ipsis talē fidē habeant, non mirum est quod pereunt, cum fides sit donum Dei: ergo & qui credunt per fidem

Christi se saluos fore, etiam quod in hæresim, & in omnia peccata cadant, & in ipsis decedant, cum de Christo aliud credunt, quam quod ipse credi de se velit: faciunt enim eum peccati ministrum, si in hoc errore sunt pertinaces, hæretici & ipsi sunt, & veram fidem non habent: qui vero credunt per fidem in Christum se fore saluos, credant Christum facturum, & curaturum, quo ipsi iustificentur, & ab omni peccato discedant & omnia faciant, quæ necessaria sunt ad salutem. in his si se Christo vmquam ex toto hac spe, fidemue dederunt, nemo potest affirmare Christum non esse facturum id, quod credunt, sed permissurum eos perire.

Dices. Si nemo potest certo affirmare Christum non esse facturum id, quod credunt, sic nemo certo potest affirmare Christum id, quod credunt, esse facturum, id est saluos eos secundum illorum fidem esse facturum. Respondeo. Fateor neutrum quisquæ certo affirmare potest, quia nescimus an inspirata, & ab ipso Deo fide infusa, an rationationibus humanis tantum comparata id credant: verisimilius tamen esse arbitror Christum non permissurum tales perire, aut

aut certe difficilius p̄missurum, quam eos
qui sic se ei non commiserunt: cum ipse li-
bentius quid sit suæ bonitatis, quam quid
sit humanæ fragilitatis, inconstantiae, aut
peruersitatis, attendat.

Non ergo obstat, quod supra considera-
bamus, nempe Christum non profiteri se
facturum, vt faciamus, sed dicere, tollat cru-
cem suam, serua mandata, & alia similiter:
nam etiam ita per modum legis loquens, fa-
cit, vt electi efficaciter faciant, quæ sunt ne-
cessaria ad ipsorum salutem: quibus præce-
ptis cum interiori stimulo facit, vt tollant
crucem suam, & seruent mādata. Sic Ezech.
18. in fi. dicebat, Conuertimini, & projici-
te a vobis omnes iniquitates, & facite vobis
cor nouum, & spiritum nouum &c. & tamē
Ezech. 36. dicit, Auferam a vobis cor lapi-
deum &c. quare dicente Domīno, conuer-
timini ad me, dicimus, conuerte nos Deus
salutaris noster: & facite vobis cor nouum,
dicimus, cor mundum crea in me Deus.
Quam ob rem dicente Christo, tollat crucē
suam, serua mandata &c. grātiās ei agimus,
quod per legem suam nos admonet officii
nostri, & simul, vt secundum p̄missiones
C 4 faciat

faciat nos tollere crucem nostram, & mandata sua seruare, petimus, & non diffidimus facturum, si nos ei ex toto dedimus, quin etiam: & quia non bene nos ipsos nouimus, ipsum rogamus faciat, vt nos vere sibi totos demus, idque ipsum fuisse, aut facturum esse confidimus, de quo postea sit dicendum.

Dices. Maius est a Domino Deo dari in custodiam Christo, quam dare nos ipsos in custodiam Christo, & tamen Iudas, qui in custodiam datus erat Christo a patre, periit nihilominus. Respondeo. Deus pater non sic dedit Iudam Christo, vt etiam quod recederet, nihilominus eum Christus reciperet, & saluaret eum: nam Christus testatur Iudam periisse, vt scriptura impleretur. Ioan. 17. non ergo Deus dedit Christo Iudam, vt contra scripturam Dei Christus faceret: neque ipse Iudas scriptura minas in eos, qui sunt rebelles, metuens, sese Christo in custodiam dedit, nam Diabolus idest calumniator erat. Io. 6. in fi.

Sed dices. Scripsum est, vt qui Deum de relinquit, relinquatur ab ipso Deo. 2. para. li. 15. a. & qui negat, negetur. 2. ad Timo. 3. B. & in bono non perseuerantes relinqui
Matt.

Matt. 24. Abac. 2. ad Heb. 10. in fi. quare
Christus, vt impleatur scriptura, relinquet,
& negabit &c. Respondeo. Etiam scriptum
est, petite, & dabitur vobis Matt. 7. Luc. 11.
quare Christus, vt scriptura impleatur, da-
bit eis, qui petierunt ab ipso, ne permittat
ipsoſ à se discedere, aut ſaltem ne permittat
ipſos etiam quod diſcedere permittat, in ea
diſceſſione permanere, præſertim cum id
nonnullis concedat, qui id ab ipſo numquã
petiuerunt, vt apparet in cæteris Apoſtoliſ,
quos quamuis ab eis relictus & negatus nõ
reliquit, aut negauit in finem: & quo tempo-
re eos reliquit, non reliquit, quin prius eos
patri ſeruãdos cõmendauerit. Io. 17. Quod
ergo ſcriptum eſt, vt relictus a nobis Deus
nos relinquat &c. nõ obligat ipſum Deum
ita facere, quia liber eſt, & cuius vult miſere-
tur. Rom. 9. & nemo ei poteſt dicere, cur
ita facis. Sap. 12. neque quod ipſe id ſe factu-
rum minetur, alligat manus miſericordiæ
ſuæ, quin præſertim hiſ, qui petierunt, poſ-
ſit, aut velit miſereri: vnde nos noſtræ in-
firmitatiſ conſcij eiſ iuſta ſtimenteſ minas
ad ipſum refugimus petenteſ, ne in ipſaſ in-
cidere noſ permittat.

Neque

3 Neque item obstat, quod Dominus ait
Matt. 20. Nō est meum dare vobis, sed qui
bus paratum est a patre meo: non enim spe
ramus dari nobis, quod nobis non sit para
tum a Deo: à Deo enim paratum est, vt om
nis, qui credit in Christum, non pereat, sed
habeat vitam æternam, non inquam, peti
mus locum alienum, aut priuilegiatum, sed
qui paratus est his, qui in Christū credūt, &
qui per Christū petūt necessaria ad salutē.

Non obstat, quod dicitur Matth. 20. ex
pacto conuenisti mecum: atque ideo nega
tur, quod supra pactum petitur: nam id ve
rum est, cum credimus id nobis deberi ex la
boribus, & non esse gratiæ, quod supra pa
ctum datur, sicut illi putabant, qui etiam su
pra pactum mercedem esse suis operibus de
bitam cogitabant. præterea nos nil ultra pro
missum petimus: promissum est, faciam, vt
faciatis. Ezech. 36. & Dominus ait se missū
vt omnis qui in ipsum credat, non pereat:
periremus autē si non faceret, vt faciamus.

Neque obstat, quod quoddam peccatum
in Spiritum sanctum non remittitur: nam
aut in illud iam cecidimus, & nos eo peccā
to cæci facti, & impediti Christo nos ipsos
non

non dāmus, aut nondum in illud cecidim⁹:
& tunc, quia ad hoc ei nos dāmus, ne sinat
nos in peccatum illud incidere, ipse faciet,
ne in illud incidamus: qui missus est, vt om-
nis, qui credit in ipsum, non pereat: qui pe-
rirem⁹, si in peccatū irremissibile caderem⁹.

Neque item obstat, quod petimus, ipse
faciat, quod ipse nobis præcipit, vt faciam⁹:
nam id ab ipsomet docti sumus: qui Io. 4.
dixit Samaritanæ, Si scires donum Dei &c.
tu forsan petisses, & ipse dedisset. præterea
nos ei dantes nos ipsos, nō dicimus nolle fa-
cere, quæ præcipiat, neque petimus absolui
nos ab obseruatione præceptorum Dei, sed
quia conscii sumus inconstantia nostræ, &
bonitatis suæ, nos ipsos ei dantes petimus,
vt ipse secundum bonitatem suam, & pro-
missiones suas faciat, vt recte faciamus, quæ
præcepta sunt nobis neq; sinat nos errare,
aut contumaciter resilire, sicut supra diceba-
mus: vt dicente Deo, Conuertimini, non
dicimus nos conuerti nolle, sed dicimus, cō-
uerte nos Deus &c. nempe quia docti iam
sumus spiritu, & sacris litteris, & experien-
tia, quam simus ad ea, quæ Dei sunt, a nobis
ipsis inepti, & fragiles.

Non

Non obstat, quod odiosa est quædam o-
scitantia, vt cum data sint nobis omnia, qui
bus facile, & cum gaudio præcepta facere
possimus, & ad ea ipsa facienda ipse nos hor-
tetur, atq; impellat, tamen negligimus: quo
casu nimis iure videmur euomendi, & relin-
quendi non minus, quam cum malitiose spi-
ritui gratiæ resistimus: nam & propter hunc
metum nos ipsos ei damus, vt qui de nobis
non confidamus, sed putemus etiam in hoc
tam magnum malum incidere posse: ac for-
te pluries conscij sumus nos in id incidisse,
atque hoc ideo magis pœnitentiam agētes
nos ei committimus, qui faciat, ne in id ip-
sum incidamus, aut ne in ipso dedamus.

Non obstat, quod sic liberum arbitrium
videamur amittere: nam per hoc liberum ar-
bitrium non amittitur, sed confirmatur, &
solidatur.

Non obstat, quod Christus non propter
suam vtilitatem, sed propter nostram vtilita-
tem petit, vt nos ipsos sibi dedamus: ac pro-
pterea, ne cuique videri possit ipsum nostri
indigere, facile sit permissurus nos abire, &
fauori nostro renunciare, sicut & apostolis
dixit. Ioan. 6. in fi. Numquid & vos vultis
abire?

abire? non hoc inquam obstat, quia ipse nō principaliter propter nos, & propter nostrā vtilitatem, sed propter semetipsum, & propter gloriam suam, & patris sui nos regere vult: nam finis vilis esset omnipotētis, si nos actionum suarum essemus finis: & minor esset gloria eius, si vñquam eos relinqueret, quos, in fidem suam recepisset, præsertim dantes semetipsos etiā ob id ipsum, ne permittantur vñquam sic recedere, vt permittat eos perire.

Dices, & multos etiam sic finit abire. Sed numquid (oro) eorum aliquem, qui sese tradiderunt ei etiam ob hoc, ne vñquam permittantur sic abire, hoc te oportet probare, vt argumentum tuum aliquid valeat.

Postremo, si hoc non plene probauimus; tamen, quia, quod tantundem est, certi sumus nos iustitiam, & donum perseverantię impetrare posse, multum ad ea impetranda valebit, si Christo nos ipsos ex toto dedamus: nam sic maiore fiducia iustitiam, & perseverantiam petemus, & ipse facilius exaudiet. Certe ipsius Christi bonitas pro nobis si Christus nos rebelles repellere voluerit, non nihil allegatura, aut dictura videtur, ne
nos

nos repellat. De quo in tertia parte dicemus, in qua etiam de illo dicendum est, qui nondum sese Christo dedit, sed dare se illi velit.

Finis secundæ partis.



Iximus in prima parte, nos absque iustitia Dei, quæ nobis inhæreat, & absque perseuerantia saluos esse non posse, & eas esse mera Dei dona, quæ nobis neque ex lege, neque ex merito operum nostrorum debeantur, sed tamen esse, quæ possint impetrari. Veruntamen, quia ad eas impetrandas non illa ab omnibus diligentia adhibetur, quæ tantæ rei cõuenire videatur: quæsiuimus, an modica diligentia, & modicus feruor ad ipsas impetrandas sufficiat: & diximus posse sufficere, modo sit frequens.

In secunda vero parte, quoniã forte hoc non esset omnibus persuasum: quæsiuimus, an si quis se totum Christo dedat, non modo, vt tenetur, & vt qui iam sit emptus a Christo, & non sit amplius suus, sed etiam cogitatione periculi suæ inconstantia, & possibilis perversitatis, an Christus eum ita recipiat, vt non sit permissurus ipsum in æternum perire, etiam quod ipse mutata voluntate velit ab ipso Christo recedere, aut
recede-

recedat . non autem quæsiuimus an iure a Christo relinqui possit, & perire: nec quæsiuimus, an ipse sciat, aut scire possit se totū & ex toto dedisse Christo: sed tantum quæsiuimus, si quis se totum Christo dederit, quisquis is sit, an eum Christus recedentē, aut recedere volentem sit permissurus in eternum perire: non autem quæsiuimus, an sit eum permissurus peccare, nam permittere id potest etiam pro salute eius, quem saluandum receperit: sed quæsiuimus an Christus eum sit permissurus peccare peccatum ad mortem, & in eternū perire: & diximus videri nobis Christum ita esse illum in fidē suscepturum, non modo vt multa faciat, ne ille pereat, sed efficaciter faciat, ne pereat in æternum.

Et rationis vis est in hoc, quod Christus in mundum veniens, & inuitans homines ad credendum, & committendum se ipsos totos ipsi Christo, videtur eis dicere. Vos recte regere vos ipsos neque nostis, neque valetis. Vos instabiles & inconstantes estis, & ignoratis, quæ Dei sunt, imo & stulta vobis videntur, & odio habetis vera bona: parentum vestrorum, ac vestris peccatis factū est,

est, ut vobis ipsis pessime consulatis, nullo minore, quam ego sum, magistro, duce, ac rectore vobis opus est. Date ergo vos ipsos mihi, & ego in fidem meam receptos regā, & custodiam vos: sed ita vosmetipsos mihi date: ut propter me etiam vos ipsos odio habeatis: me sequamini, vos ipsos mihi ꝑ me ipso vendite, nam ego proprie pretium vestri factus sum, me enim ipsum dedi, ut vos ab ira iusta patris mei redimerem, & in libertatem sanctam assererem. Nunc autem volo vos emere a vobis ipsis, ut scilicet arbitriū, quod de vobismetipsis habetis per me, illud ipsum mihi totum, & ex toto concedatis, neque vos ipsos per vos ipsos regere velitis, aut præsumatis, neque velitis inani libertate liberos esse, quæ quidem inanis est, & perniciosa, quando per ipsam serui mei esse negligitis, aut non amatis. Hæc & similia Christus dicere videtur, cum nos ad sibi nos ipsos credendū & dandum inuitat: quare si quis hæc ipsa per gratiam Dei considerans, consciusque malorum, & perditionis propriæ, & præsertim inconstantia, & volubilitatis suæ committat sese totum Christo, eique se totum det, vendatque: fiet, ut to-

rus Christi sit, neq; amplius iure, aut facto
possit se (Christo non permittente) a Chri-
sti seruitute subducere: non iure, quia spon-
te sese in Christi perpetuum seruum dedit:
non facto, quia Christus omnipotens est, ne-
que quisq; est, qui possit effugere manū ei⁹.
Sed quia dubium esse poterat, an Christus
permisurus esset eum ad pristinam liberta-
tem reuerti, ipse iccirco maxime se Christo
dedit: quia credidit, aut saltē sperauit Chri-
stum non permisurum, aut non perpetuo
permisurum, vt ipse perpetuo se subducatur
a tam utili seruitute, sed facturum, & cura-
turum vt in ipsa permaneat. Nam neq; nos,
cū nos ipsos Christo damus, ius nobis, aut
potestatem retinemus ab eius seruitio recē-
dendi: quia id esset, non eorum, qui sese to-
tos, sed eorum, qui partem dant: neq; Chri-
stus perpetuo, aut in finem permisurus vi-
detur, ut nos quandocunque velimus ab
ipsius seruitio recedamus, qui totos nos si-
bi petit: neq; tædio contumacię nostrę, aut
alia ratione consensurus videtur, vt receda-
mus: quia alioqui vanis nobis, atque fragi-
libus male prospectum esset: nam facile per
inconstantiam, & contumaciam nostram
fieri

feri potest, vt resiliamus, & inueniatur iniquitas nostra ad odium, ob quam Christus nos abiiciat: & magna quidem ratione, vt qui cōtumaciter nobis agentibus potest iure dicere, Nō ego propter meā, sed propter vestram vtilitatē recepi vos mihi in seruos: nunc autem, quando beneficium meum nō agnoscitis, & dedisse vos ipsos mihi in seruos vos poenitet, recedite: neque iure, neq; potestate in uos vti volo, ne seruitio vestro, quo mihi opus non est, egere videar: nō ego semper litigare vobiscum volo, neque inuitis, & non agnoscentibus beneficia mea vobis conferre volo.

Sed talia Christo dicenti in refugam seruum, an Christi bonitas ipsa pro malo seruo, & seruitutem iam detrectante respondit?

Tu mi Iesu in mundum venisti non ministrari, sed ministrare: non quia tu perditorum hominum seruitio indigeres, sed quia ipsi tuo, & salutari seruitio indigebant: eo quod illis præcipue opus erat in hac eorum inconstantia, & instabilitate; cum sint plusquam phrenetici, quibus etiā inuitis beneficia obtrudi opus sit, vt qui

interdum medicos tanquam hostes, mede-
las etiam tanquam venena refugiant, quique
etiam quod semel, aut pluries sanati sint, &
sananti gratiam habeant, eique sese totos com-
mittant, tamen in eo sint fragilitatis, ac vo-
lubilitatis, ut facile ad phrenesim, atque insa-
niam reuerti possint, & rursus medicum suum
odio prosequi, etiam ob id ipsum, quia eos
quandam ab ea, in qua sibi ipsis postea pla-
cent, phrenesi liberarit: idque dum hic me-
tueret, qui nunc seruus malus, & contumax
factus est, dedit semet tibi totum, neque si-
ne magno labore, cum aduersus carnem, &
Satanam, & mundum repugnaret: neque item
sine dulcedine spiritus tui, & gratie tue, qui-
bus ipsum ad id agendum prouocabas, vel
prouocare videbaris, neque sine considera-
tione, & fiducia potestatis, sapientieque, &
bonitatis tue. Nam, quia te omnipotentem
& sapientissimum, & optimum nouerat, spe-
rabat te tua bonitate suas ineptias, & contu-
macias laturum & correcturum, neque pa-
cta rescissurum ob suas improbitates: & quia
sapientia tua nosset ipsum ab insania ad sa-
pientiam conuertere, & omnipotentia con-
firmare, & stabilire in bono posses, confusus
tua

tua, & potestate, & sapiētia, & bonitate sibi
ipſi vim fecit, & ſeſe totum tibi commiſit:
nam de ſe boni prorfus nihil ſperabat, ſed
omne malum timebat, & hanc ipſam, qua
nunc laborat, futuram contumaciam, & in-
ſaniam metuebat: a qua ſibi non aliter caue-
re poſſe arbitrabatur, aut videbat, quam vt
ſeſe totum tibi committeret, qui ad hoc ip-
ſum faciendum, vt ipſe putabat, ipſum inui-
tabas: ſi vim ei aſſerre non vis, potes ipſum
ſapientia tua ad ſanitatem reducere: ſi non
vis blande cum ipſo agere, habes flagella,
quibus cum corripias. Potes item ipſum ſi-
nere ad tempus abire, vt ſuam expertus inſa-
niam, & admonitus calamitate, vt filius ille
minor, humilis factus reuertatur: & ſicut tu
tuis præcipis, vt vincant in bono malum, ita
nunc tu vince in bono malum: dilige inimi-
cum tuum, qui ſeruos tuos vis diligere ini-
micos ſuos: neque quod id pluries feceris,
defatigeris, neque ſæpius admonitum, & nō
obedientem velis pro ethnico, & publicano
ipſum habere: ſed memineris, te plus poſſe,
quam homines, & quod neque facile quiſ-
quam ſeſe hominibus etiam bonis, ac poten-
tibus, & ſapientibus commiſerit, ſicut tibi,

eo quod illos nōrit posse defatigari, & tandem ipsum pro ethnico, & publicano posse habere. Tibi autem hic sese commisit, quia te nouerat, aut certe sperabat numquam in benefaciendo defatigari : vt qui etiam crucifixus, & occisus, omnibusque vexatus opprobriis, postquam resurrexisti, ipsis etiam crucifixoribus, & interfectoribus tuis pacē & salutem obtuleris, quamuis illi te numq̃ ante recepissent hanc bonitatem tuam secutum, ac sperantem destitues ob eam ipsius contumaciam, quam quia ille futuram timeret, sese tibi commisit, & non magis vteris iure tuo? & eum ad sanitatem reduces? an hic forte si rursus factus fuerit sanus, & ad mentem bonam redierit, non tibi gratias agat? non beneficiū tanto magis agnoscat, quanto sibi etiam reluctanti datum fuisse intelliget? & tunc maxime datum, cum ipse sibi per malam suam phrenesim male consuleret, & mallet perire, quam sequi te, qui solus omnium vera & perpetua salus es? an hic forte nunc non phrenesi, sed peruersitate laborat, atque malitia? ac propterea ipse excludendus est, quia nouit, quid agat: cum tamen nemo non aliquo modo igno-

rans

rans peccet? An tu forte cum ipsum, vt se
se tibi crederet inuitabas, & te illi rectorem
ac pastorem bonum offerebas, casum contu
maciæ excipiebas, a qua plusquam ab aliis
vllis rebus ei in peccatis concepto, & subdi
to vanitati fuerat metuendum? an cum pa
rentes eius recens natum in tuo nomine ba
ptizari curabant, aliud magis timebant,
quam ipsius arbitrium, si a te regendum nō
esset receptum?

Hæc bonitati suæ dicenti, quid Christus
responsurus sit, aut respondeat, diuinare nō
possum. Consideranda tamen videtur, quo
nos facilius Christo in spem bonā commit
tamus: nam certum est debere nos totos
Christo committere, atque a parte nostra fa
ciendum esse, & totis viribus annitendum,
vt nos ipsos ei totos committamus, & tunc
de salute nostra ob ipsius Domini bonita
tem esse bene sperandum: quæ quidem eius
bonitas tum reliquarum rerum, tum hu
ius periculi consideratione iugi oratione
imploranda est: neque in hoc importuni
esse vereamur: nam bonus Dominus
in re tam necessaria, puto, nos non ne
gliget, sed mitis audiet, atque exaudiet.

sed quia non facile, sicut debet sic sese quis Christo credit; veniamus ad aliam quaestionem, & de eo casu tractemus, qui frequentius potest occurrere.

Quarto ergo de eo homine, qui per gratiam, & lumen Dei agnoscit debere sese Christo credere, totumque committere; praesertim sic petenti, & optat id quidem facere, sed non plene facit, agnoscitque, & fatetur peccatum suum, & se vel nescire, vel non posse vel non satis velle confitetur, atque ideo ab ipso Christo petit. Petit, inquam, ut Christus ipse pro sua omnipotentia restitanti, & procrastinanti quandam vim faciat, pro sua sapientia suadeat, pro sua bonitate persuadeat, neque permittat ipsum diutius manere in tenebris, neque post aliquam lucem redire ad tenebras multo densiores, atque ita Christo dicat. Fac Domine, ut me tibi totum credam, me tibi dem totum: nam iusta petis, & quod tibi debeo, id mihi maxime utile est, improbeque tibi repugno volenti me sub alis tuis recipere, ac tueri, maleque mihi ipsi consulo, malefacio: fateor peccatum meum, oro qui tollis peccata mundi, qui Iesus es, id est qui saluum facis populum tuum

a pecca-

a peccatis eorum, aufer a me peccatum hoc,
quo fit, vt me tibi ipsi non credam totum :
vince in bono malum, fac vt me tibi dem to-
tū. En vōlo memet totū tibi dare, sed quia
non facio, & signum est me non plene velle
me tibi dare, da tu qui potes, & facile potes:
da mihi bonam in hoc, atque efficacem vō-
luntatem, vt velim, & possim, & sciam me
tibi dare, & efficaciter me tibi dem totum;
quia me vni tibi, & nulli alteri debeo. Hic
item & orationem Dominicam recitans, cū
ad finem venit, vbi dicitur, sed libera nōs a
malo, subdit, p̄sertim ab eo ipso malo, quo
factum est haecenus, & adhuc fit, vt me tibi
totum non dū dederim, aut non dem totū.

De hoc homine quæro, quid erit, & quid
sperandum de eo fit, an impetrabit: non au-
tem de eo homine quæro, qui cunctis suis
actionibus in contrariū tendit, vt aliud qui-
dem verbis, aliud factis requirat, vt illi, qui
fatētur se nosse Deum, factis autem negāt:
nam talem aut non impetraturum, aut si im-
petrabit, flagellis, arbitrōr, adiget ad fa-
cienda, quæ debet, cum ei dicere Christus
iure possit, Cur mihi dicis, Domine, Domi-
ne, & nō facis, quæ dico? Luc. 6. Qui nihil
habet.

habet, quod iuste respondeat Christo: neque
item de eo homine quæro, qui quæ potest,
omnia facit, vt Deo seruiat: verumtamen,
quia sibimetipsi in eo numquam satisfacit,
vt qui vereatur omnia opera sua, qui sancto-
rum mos est, optat, petitque suscipi: & ita
regi ab ipso Domino, ac dirigi, vt Deus ip-
se de seruo suo satisfaciat diuinitati suæ. nã
facile huic arbitror, ac etiã cito pax veniet:
quia Deus ipse tales consolatur: quia bonis
operibus fauet: neque ad rigorem ea diiudi-
cat, sed boni consulit, vt qui nouit figmen-
tum nostrum, & quam multa in nobis, non
nos, sed caro, & peccati fomes operatur:
quæ quidem ipse nobis, cum inuiti, aut igno-
rantes patimur, ad culpam non imputat:
cum nihil damnationis sit his, qui non se-
cundum carnem, sed secundum spiritum
ambulant.

Sed quæro de eo homine, qui non impie
viuit, nec perfecte iustitiam Dei sequitur, &
bonis operibus incumbens, quodamtenus
conatur, & annitatur sese totum Christo cõ-
mittere: nam huic si Christus dicat, Cur mi-
hi dicis Domine, Domine, & non facis om-
nia, quæ dico? respondere arbitror, hu-
militer

militer & bona cum fiducia & timore, Christo poterit, & dicere, Iccirco te Dominum voco, vt facias me facere id, quod dicis, qui potes, & vides, quam sim ad tua faciēda inhabilis, si non etiam & plerumque contrarius ac repugnans.

De hoc, inquam, homine quero, an sit impetraturus: nec quero, an per iustitiam sit impetraturus: nam iustitia totum cor, totā animam, vires omnes requirit, atque ideo huic repugnabitur, & id petenti, & orāti, ex iustitia respōdebitur, ac dicetur, Vtere talē tis, quæ habes: habes iam ab ipso Deo posse te totū Christo cōmittere. Committe te illi totū, quid cunctaris? an nō te ipsum, & tuas ineptias Christo postpones? cur ergo prius quam in talento, quod tibi datū est, fidelis extiteris, vis tibi beneficiū, aut premiū dati? an forte Christus ipse tibi nō dedit adhuc, aut non sufficienter dedit, vnde te sibi dare facile possis? an est aliquid in mūdo, quod ei preferendū sit, vt propter illud cuncteris, & non te Christo des totū, in cuius cōparatione cūcta nihil sunt? An tibi vim fieri vis? & tamq̃ inertē, ac stolidū verberibus vrgeri? aut tamq̃ delicatulū puerū blanditijs trahi?

an

an Dei bonitatem, & patientiā contemnis,
& iram tibi comparas, petens ab ipso Deo
id ipsum, quod ipse tibi, vt facias, præcipit,
& vt præstare posses; ipse tibi concessit, cū
ipse tibi simul cum præcepto suo dederit &
posse implere præceptum, & agnoscere ius-
tum esse, & tibi maxime vtile si adimpleas,
& voluntatem tuam ad adimplendum com-
mouerit? cur ergo tu ipse repugnas tibi, &
Deo? & Deum tibi uis hanc repugnantiam
auferre, quasi Deus coactis, & non volunta-
riis seruitiis delectetur, aut ipse tā sit vilis,
vt nemo illi volens sit seruuturus? Viluit ti-
bi præceptum Dei, & Deus ipse tibi minor
factus est ineptiis tuis, dignus es non qui au-
diaris, sed qui vapules. Surge quid stas; &
non stas? proiice te in Christum, sume iu-
gum eius super te: ne expectes, vt tibi impo-
natur, ne interim decedas, & inuētus absq;
eius iugo pereas in æternum, aut certe ma-
gnis verberibus & calamitatibus ad subeun-
dum ipsum eius iugum vrgearis: ne scilicet
tibi & villa, & iuga boum, & vxor, & alia
cara, quibus te detentum excusas, succen-
sa ciuitate animę & corporis tui auferātur,
magnoq; cum dolore postea ac verecundia
venias

venias ægre, vel inter vltimos recipiendus:
vnde parum glorifices, & magnifices Deū,
quem non volens, sed calamitatibus actus
secutus videri possis, ac videaris.

Hæc & his similia, pluraque in hunc iu-
stitia, & recta ratio dicere poterit: sed si nō
persuadeat, quæro an talis destituetur, eius-
que despiciētur preces, & in peccatum etiā
conuertentur: an aliquid etiam pro hoc ip-
so homine bonitas Christi apud ipsū Chri-
stum sit allegatura.


Dicat ergo Christo bonitas Christi. Si tā-
tum redditurus vnicuique secundum ope-
ra sua in mundum venisti, oportuit omnes
perire: nam digni erant omnes morte: si au-
tem vt saluos facias eos, aut saltem vt mun-
dus per te saluus fiat, non multum suffice-
rit inuitare homines ad te: vides enim inui-
tatos ad nuptias, & ad cœnam contemnere,
aut excusatos haberi velle se, iuuenemque
illum tristem abiisse, quia possessiones mul-
tas habebat: tristis quidem abibat, quia te-
cum esse cupiebat, sed tamen abibat, quia
possessiones suas magis, quam te diligebat,
vt qui te non adhuc pro tuo merito cogno-
uisset: nam si thesaurum cognouisset, sua
omnia

omnia præ gaudio vendidisset, vt te conse-
queretur, tecumque expeditior esse posset:
at tu illum abire permisisti, nec te illi quis
esses ostendisti, & eum qui vestem nuptia-
lem non habuit, eiecisti, & in contemptores
vltus es. Et recte quidem: nam vsus es iure
tuo, dignos supplicio condemnasti, præser-
tim cum iniustissime spretus, & posthabitus
rebus caducis fuisses, quæ dum tibi compa-
rantur, pro nihilo sunt habendæ: sed tamē
neque iuuenis ille, neque qui sese excusa-
tos haberi volebant, rogauerūt te, faceres,
vt sese tibi darent, ita vt numquam permit-
teres eos in id insanix peruenire: neq; post-
quam peruenerant, fatebantur peccatum
suum, neque rogauerunt, vt sibi maiorem
quandam vim faceres: vt scilicet quādoqui-
dem videres eos terrenis affixos, erueres ip-
sos: vt hic facit, qui neque excusat peccatū
suum, neque non fatetur, sed maiore qua-
dam tua potestate inuitari, & attrahi deside-
rat, ad hoc, vt sese tibi totum vt debet, &
debere fatetur, credat, ac det: vt scilicet qđ
tu tua sponte cum nonnullis, qui te id non
rogabant, feceris, cum ipso facias, & com-
pellas, vt illos, etiam ipsum introire: neque
pauper-


paupertatem ipsius abomineris, qui vestem
nuptialem non habeat, sed misertus eius de
vestiario tuo ipsum tu vestias veste nuptia-
li, etiam reluctante carne, & humana ratio-
ne, quibus sese fatetur male parere, dū eas
reprimere, & mortificare magis debeat, quā
audire. Quare te earum repressorē ac mor-
tificatorē habere cupit: aut certe vtcumq;
tandem rogat vt sibi, sicut ab amicis medi-
cis phrenetico fit, vel inuito benefacias: nā
quod factis tibi repugnat, id phrenesi tri-
buit: nec ita facturum sese fuisse intelligit,
si te quanti, qualisque sis, & quis sis, recte in-
tellexisset: sed præ gaudio non sua modo,
sed & seipsum abijceret, vt te thesaurū suū
posset accipere.


Et quidem his rationibus non omnino
absurdum est etiā de hoc homine bene spe-
rare, nempe fore, vt aliquando tandem sese
totum per Dei gratiam Christo credat, vt
saluus fiat: nam nisi hoc fecerit, saluus esse
non poterit. Quam ob rem nemini pro-
stinandum est, sed semper id flagitandum
est.

F I N I S.



605.414





CESARE SABBACCHI
Legatore di Libri
PALAZZO DELLE SCIENZE
Via Lungara 10
Via della Croce 86 Roma

